


隸釋

一之三

凡六冊二十七卷



隸釋序

同治

庚子

同治

秦燔書廢古訓而官獄多事乃令下杜人程邈作小篆而邈復獻隸書所以施之徒隸趨簡易也亦曰佐書漢魏之際蔡邕鍾繇梁鵠邯鄲淳俱有書名後魏酈道元注水經漢碑之並川者始見其書蓋數十百餘陵遷谷變火焚風剝至宣政和間已亡其什八本朝歐陽公趙明誠好藏金石刻漢隸之著錄者歐陽氏七十五卷趙氏多歐陽九十三卷而闕其六自中原厄於兵南北壤斷遺刻耗矣予三十年訪求尚

闕趙錄四之一而近歲新出者亦三十餘趙蓋未見也既法其字爲之韻復辨其文爲之釋使學隸者藉書以讀碑則歷歷在目而咀味菁華亦翰墨之一助唯老子張公神費鳳三數碑有撰人名氏若華山亭爲衛覬之文見於它說者財一二爾其文或險而難解澁而太鑿者譬之紀虜部鼎皆三代虜存之器其剥缺不成章與魏初之文數篇附于後如斷圭殘璧亦可寶自劉喜賈逵已下字畫不足取者皆不著乾道三年正月八日鄱陽洪适景伯序

### 刻隸識小序

隸識一集乃宋人洪适氏取兩漢迄魏初碑碣之類有關於隸書者而識之也其集摘取歐陽公及子棐集古錄趙明誠氏金石錄并證以鄱道元水經注而更詳其遺缺焉在集古序曰可與史傳正其闕謬以傳後學庶益於多聞金石

序曰史謀出於後人之手不能無失而刻詞當時所立可信不疑識序曰學隸者籍書以讀碑則歷歷在目而咀味菁華翰墨之一助是固茲集大意也而集古又曰風霜兵火湮淪磨滅散棄於山崖墟莽之間金石曰聖賢遺跡著於金石者多矣風雨侵蝕樵牧毀傷淪棄幸存者無幾識曰陵遷谷變火焚風剝至今亡其什八茲三言又世事之說也閱斯集者可以游藝矣可以消世慮矣明萬曆十六年戊子秋八月後學夏邑王雲鷺狝孺甫再識

夏邑禮長  
尺壽大亦

南  
南

隸釋目錄

卷第一

濟陰太守孟郁脩堯廟碑

威宗永康元年水經有歐作堯祠祈雨趙有

帝堯碑

靈帝熹平四年水經有歐趙有

成陽靈臺碑

建寧五年水經有歐作堯母趙有

靈臺碑陰

趙有

益州太守高朕脩周公禮殿記

獻帝初平五年歐作文翁石柱趙有

孔廟置守廟百石孔龢碑

威宗永興元年水經有歐作吳雄修孔廟趙有

魯相韓勅造孔廟禮器碑

永壽二年水經有歐趙有

韓勅碑陰 趙有

韓勅脩孔廟後碑 永壽三年水經有趙有

魯相史晨祠孔廟奏銘 靈帝建寧二年水經有歐趙有

史晨饗孔廟後碑 水經有趙有

卷第二

西嶽華山廟碑 威宗延熹八年水經有歐趙有

西嶽華山亭碑 靈帝光和二年水經有歐趙有

弘農太守樊毅復華下民租碑 光和二年水經有歐趙有

樊毅脩華嶽碑 光和二年水經有歐趙有

東海廟碑 熹平元年趙有

桐柏淮源廟碑 威宗延熹六年水經有歐趙有

穀阮君神祠碑 靈帝光和四年水經作五部神歐趙有

穀阮碑陰 趙有

卷第三

老子銘 威宗延熹八年水經有歐趙有

楚相孫叔敖碑 延熹三年水經有歐趙有

孫叔敖碑陰 趙有

仙人唐公房碑 水經有歐作公昉趙有

唐公房碑陰 趙有

張公神碑 和平元年 歐趙有

三公山碑 靈帝光和四年 歐作北嶽趙有

無極山碑 光和四年 歐趙有

白石神君碑 光和六年 趙有

卷第四

蜀郡太守何君閣道碑 光武中元二年

青衣尉趙君羊竇道碑 安帝永初六年

司隸校尉楊君石門頌 威宗建和二年 歐趙有

廣漢長王君石路碑 建和二年

武都太守李翕西狹頌 靈帝建寧四年 趙有

李翕龜池五瑞碑 趙作李翕碑陰

李翕析里橋邠閣頌 建寧五年 歐趙有

桂陽太守周憬功勳銘 熹平三年 水經有 歐趙有

周憬碑陰 歐趙有

卷第五

橐長蔡湛頌 靈帝光和四年 歐趙有

溧陽長潘乾校官碑 光和四年

梁相孔耽神祠碑光初五年趙有

成陽令唐扶頌光初六年歐趙有

巴郡太守張納功德叙中平五年趙有

張納碑陰趙有

酸棗令劉熊碑水經有歐作俞鄉侯季子趙有

劉熊碑陰趙有

卷第六

謁者景君墓表安帝元初元年歐趙有

景君碑陰趙有

郟令景君闕銘元初四年歐作景君石椁銘趙有

國三老袁良碑水經作袁梁歐趙有

北海相景君碑順帝漢安二年歐趙有

敦煌長史武斑碑威宗建和元年歐趙有

從事武梁碑元嘉元年趙有

平都侯相蔣君碑永興元年趙有

孔謙碣永興二年歐趙作孔德謙

郎中鄭固碑延熹元年歐趙有

議郎元賓碑延熹二年趙有



中常侍樊安碑 延熹三年 水經有歐趙有

卷第七

冀州刺史王純碑 威宗延熹四年 水經作王紛趙有

山陽太守祝睦碑 延熹十年 歐趙有

泰山都尉孔宙碑 延熹七年 歐趙有

孔宙碑陰 歐趙有

祝睦後碑 延熹九年 歐趙有

荊州刺史度尚碑 末康元年 水經有趙有

車騎將軍馮緄碑 末康元年 趙有

沛相楊統碑 靈帝建寧元年 歐趙有

楊統碑陰 歐趙有

竹邑侯相張壽碑 建寧元年 歐趙有

卷第八

衛尉衡方碑 靈帝建寧元年 歐趙有

冀州從事張表碑 建寧元年 歐趙有

金鄉長侯成碑 建寧二年 歐趙有

孝廉柳敏碑 建寧二年 趙有

淳于長夏承碑 建寧三年 趙有

郎中馬江碑

建寧三年趙有

犯御名

令劉脩碑

建寧四年歐趙有

博陵太守孔彪碑

建寧四年趙有

孔彪碑陰

趙有

卷第九

北軍中候郭仲奇碑

靈帝建寧五年歐趙有

故民吳仲山碑

熹平元年趙有

司隸校尉魯峻碑

熹平二年水經作魯恭歐趙有

廣漢屬國候李翊碑

熹平二年

玄儒先妻壽碑

熹平三年歐趙有

婁壽碑陰

繁陽令楊君碑

熹平三年歐趙有

楊君碑陰

歐趙有

堂邑令費鳳碑

熹平六年趙有

費鳳別碑

歐趙有

卷第十

太尉陳球碑

靈帝光和二年水經有趙有

陳球碑陰

趙有

陳球後碑 水經有歐趙有

童子逢盛碑 光和四年趙有

逢盛碑陰 趙有

安平相孫根碑 光和四年趙有

孫根碑陰 趙有

涼州刺史魏元丕碑 光和四年趙有

司隸從事郭究碑 中平元年歐趙有

幽州刺史朱龜碑 中平二年水經有歐趙有

外黃令高彪碑 中平二年

卷第十一

太尉劉寬碑 靈帝中平二年歐趙有

劉寬後碑 歐趙有

小黃門譙敏碑 中平四年歐趙有

圉令趙君碑 獻帝初平元年趙有

巴郡太守樊敏碑 建安十年趙有

益州太守高頤碑 建安十四年

綏民校尉熊君碑 建安二十一年歐趙有

梁相費汎碑 歐趙有

高陽令楊著碑 歐趙有

楊著碑陰 歐趙有

光祿勳劉曜碑 歐趙有

卷第十二

太尉楊震碑 歐趙有

楊震碑陰 歐趙有

荊州從事苑鎮碑 趙有

執金吾丞武榮碑 歐趙有

督郵斑碑 趙有

浚儀令衡立碑 歐作元節趙有

戚伯著碑 歐作周伯著趙有

趙相雍勸闕碑 趙有

先生郭輔碑 水經有歐趙有

相府小史夏堪碑 趙有

李翊夫人碑

卷第十三

雒陽令王稚子闕二 和帝元興元年歐趙有

交趾都尉沈君神道二

益州太守高顯闕獻帝建安十四年趙有

幽州刺史馮煥神道安帝末寧二年趙有

馮煥殘碑

馮煥碑陰

鉅鹿太守金君闕

益州太守楊宗墓道趙有

清河相張君墓道

不其令董恢闕趙有

緜竹令王君神道靈帝建寧元年趙作廣漢令

江原長進德碣威宗延熹三年

上庸長司馬孟臺神道

高直闕

處士金恭闕

金恭碑

韋氏神道

張賓公妻穿中二柱文章帝建初二年

卷第十四

石經尚書殘碑靈帝熹平四年水經有趙有

石經魯詩殘碑 水經有趙有

石經儀禮殘碑 水經有趙有

石經公羊殘碑 水經有趙有

石經論語殘碑 水經有趙有

學師宋息等題名

卷第十五

賜豫州刺史馮煥詔 安帝元初六年

費亭侯曹騰碑陰 威宗延熹三年 水經有歐趙有

廣漢屬國辛通達李仲曾造橋碑 延熹七年

廣漢太守沈子琚縣竹江堰碑 熹平五年

鄭子真舍宅殘碑 熹平四年

金廣延母徐氏紀產碑 光和元年

都鄉正衛彈碑 中平二年 水經作衛為趙作街彈

舜子巷義井碑 光和三年

義井碑陰

卷第十六

武梁祠堂畫像 趙作武氏石室畫像

四老神位神柞机 趙有

麒麟鳳凰碑

劉讓閣道題字

靈帝建寧元年

詔賜功臣家五字

中部碑

卷第十七

趙相劉衡碑

靈帝中平四年

富春丞張君碑

趙有

郎中郭君碑

廣漢屬國都尉丁魴碑

威宗元嘉元年

南陽太守秦頡碑

靈帝中平三年

魯相謁孔廟殘碑

趙有

平原東郡門生蘇衡等題名

歐有

益州太守無名碑

威宗末壽元年

益州太守碑陰

吉成侯州輔碑

末壽二年  
水經作侯苞趙有

州輔碑陰

趙有

卷第十八

司空宗俱碑

靈帝熹平二年  
趙有

太丘長陳寔壇碑 趙有

縣三老楊信碑 威宗和平元年

益州太守城垣碑

是邦雄桀碑

仲秋下旬碑

故吏應酬殘題名

卷第十九

魏大饗碑 延康元年

魏公卿上尊號奏 延康元年

魏受禪表 黃初元年

魏脩孔子廟碑 黃初元年

魏橫海將軍呂君碑 黃初二年

范式碑 青龍二年

張平子碑 附趙有

卷第二十

水經注

卷第二十一

歐陽氏集古錄上



卷第二十二  
集古錄下

卷第二十三

歐陽棐集古錄目

卷第二十四

趙明誠金石錄上

卷第二十五

金石錄中

卷第二十六

金石錄下

卷第二十七

天下碑錄

隸釋目錄

隸釋成書十年矣再因考古始知楊司隸名渙  
不名厥張元益是偉伯之孫王曜非劉寬故吏  
膠東廟門是兩碑石勳詩非費鳳碑陰校官碑  
以菰竹為孤竹之類增改千有餘字除去者數  
板淳熙丙申息柩宦山陰遂正之盤洲老人書

隸釋卷第一

孟郁脩堯廟碑

帝堯碑

成陽靈臺碑

并陰

孟郁脩周公禮殿記

孔廟置守廟百石碑

孟郁造孔廟禮器碑

并陰

韓勅脩孔廟後碑

史晨祠孔廟奏銘

史晨饗孔廟後碑

濟陰太守孟郁脩堯廟碑

漢永康元年

闕

月

闕二

字

惟昔帝堯聖德慶苞弘彌赫

赫蕩蕩垂基未精之胃為漢始別陵氣炎煜上交倉

玄魏魏之盛乾川見徵敬猶宗璧長吏奉祠三牲粢  
饌獻珍于時俵著燿銘宣颺厥休乃招禎祥萬闕是  
來鴻名遂顯傳于千秋

濟陰太守河南偃師孟府君諱郁字敬達治尚書經  
博覽衆多天姿瑋渡體性溫仁闕極道之要妙游觀  
六藝之原撥旋機之政務在濟民歷典六郡威教若  
神遺訓垂歌淵懿允純功績煥炳思如浩倉咨招巖  
內股肱賢良廣祈多福雯雯夙興聞帝堯陵在成陽  
道戶曹掾史具中宰祠常以甲子日與西宮樂生俱

論大聖陳上古之禮舜先王之樂鞞磬闕

字之儀莫不盡備軟列技藝以榮大聖延熹十丰仲

春二月陽氣浸陰始雩闕來享祀羣神仰瞻雲漢孟

府君奉宣詔書行縣到成陽將辭帝堯行禮未周則

景雲四集翔風膏雨即時大降嘉澍優沾利茂萬物

陰陽和協百姓賴福是時闕欣然闕悅諸產繁殖

倉庾充塞孟府君深惟響應效之經典知聖堯精靈

與天通神脩治闕墜地致堵堦石關二坐闕昭配帝

圖象規矩五闕畫上下相承無所遺失陟互旌密

有斑道之巧使府內百石關城吳諱升字三君守衛

園陵興置屋關詔書大祠升與縣令丞恭奉肅敬齊

絜炊熾莫不雅雅列種栢樹吏卒養護南通靈臺秉

注城域委曲內而墀然關望圖紀萬世功驗亦著時

令河南河南呂君諱亮字元山宰政宣化慈惠博覆

為藜元來福奉事大聖司司不解垂拱無為如如其

允君也丞河內州王諱長字伯盛左尉潁川潁陽關

諱恂字世高皆關綜睢執通洞運疫詢于上下僉然

同謀因孟府君飭沿大壑自率掾史關駐駕便至

南北關望表內相副赫如屋藉闕然成就孟府君必

受大聖嘉福公侯傳子孫濟陰吏士歌術功稱萬世

常存成陽丞民蒙其榮賜關訓發聲呂君諸辟干祿

于天令裕衍寧亦不窮

惟序仲氏祖統所出本繼於姪周之遺苗天生仲山

甫翼佐中興宣平功遂受封於齊周道衰微失爵亡

邦後嗣乖散各相土譯居帝堯萌地生長塋陵在於

成陽聖化常存慕魏魏之盛樂風俗之美遂安靈基

業屬都鄉高相里曰氏仲焉以傳于今子孫承緒履

仁好義耽樂道術教授經業雖待帶衆滋滋汲汲誨  
 人不倦海內稱之曰鴻術之宗天臨孔明祚善應闕  
 印紼相承銀艾不絕稟性乾元世世廉約故能高如  
 不危滿如不溢孟府君繕飭墜立百石舍仲氏宗  
 家共住大壑前石礪階陛欄楯貧富相扶會計欣懽  
 不謀同辭錢應時即具招互募石燿然俱至各進琦  
 巧不日成之詔書九月三往大祠諸所造作煥然成  
 龍仲氏宗家並受福賜復刊碑勒誅昭示來世俵著  
 孟府君美勛於陽昧紀祖禪所出闕四官位宦學皆  
 不可測子子孫孫必蒙大聖休烈之福以勸後進昌  
 熾無極

右濟陰太守孟郁脩堯廟碑漢威宗永康元年立  
 記是歲春陽為沴孟府君行縣謁廟即獲膏雨以  
 聖堯靈與天通遂繕治大殿成陽令呂亮丞王長  
 率掾史佐之仲氏宗家共作殿前石礪階陛欄楯  
 九月之間詔書三祠作文者既襄揚守令丞尉治  
 効繼叙仲氏得姓業儒之美也杜欽傳云仲山父  
 異姓之臣無親於宣就封于齊鄧展晉灼云山甫

銜命往治齊城韓詩誤以為封而欽引之顏師古云韓詩既有明文未得專非杜氏此碑云山甫受封於齊周衰失爵後嗣遂居成陽蓋同韓杜之說碑云地致墉堦石闌一坐圖象規矩工巧精密以為神物之靈商君傳持矛而操闌戟闌音闌字書榆與榻同此蓋借闌為榆借墉堦為璠瑚言其石之似玉也此碑假借字如旋機為璇機祝圉為祝敵之類甚多

倭為表浩倉為吳蒼拒為矩旌為精自為周藜為黎蘭為爛歌術為歌述壁為辟滋滋為孳孳屋赭為渥赭鴻為儒紉為紉輝即輝字欄楯即欄楯字襴即襴字又六之類多

此如治高如不危者用春秋星隕如雨之法它皆類

### 帝堯碑

其中乾川與穎川字相類雖家語有乾川猶天淵也然隸書未嘗有坤字此乃乾坤爾其曰無為如治高如不危者用春秋星隕如雨之法它皆類此

帝堯者蓋晉世之聖王也其先出自塊隗翼炎之精有神龍首出于常羊

闕九 生赤

闕十 也名紀見乎河

雒爰嗣八九慶都與赤龍交而生伊堯及堯之生也

不闕七 凡等凶

闕 龍顏

闕 角眉

八采讓自侯伯遊

於玄河之上龍龜負銜投鈴授與然後堯乃受命蜀

鹿闕十素圖書察度表御九州統屬理聞名應却

緝順畧然後風化大洽普天闕三不闕十功成告讓

遂禪舜黃聖漢龍興績堯之緒祠以上犧暨于亡新

圮漢之業禮祠闕五祀闕是故廷尉卿闕二以為大

聖親垂隆烈遺歌在民而壇場夷替屏幘無位非所

以表神聖闕五民者闕四焉闕三復舊典造立靈廟

以一大宰春秋秩祠是以好道之疇自遠方集或茲

祭闕三一或譚闕二歷丹田闕三病者禱恭祈福即

獲祚若不更熔輒赴瘞故知至德之宅地實真聖之

祖也熹平四年冬十二月濟陰太守河南張寵丞穎

川李政成陽令陳國鄭真故鉅鹿太守仲訢故廣宗

長仲選故呂長仲球闕丞闕十百石已氏讓禮等咸

各有惟追慕聖烈乃共立壇墀刊碑紀石已章聖德

闕後闕二有闕下於赫大聖弈孔禎純性發蘭石生自馥芬琦表射出雙

握嘉文排啓闔闔馳步闕十順叙五品用訓民不忒

化洽百蠻歷運遭七乃禪舜焉功綿日月名勒管弦立

靈廟于闕休神闕九釐于湘黔民億不殍于社無沂

故濟陰太守劉邵字季承漁陽泉州人也自以體別

枝希堯之裔胃下車出奉闕萬為祠酸弱闕七至於

拜旦特復五百稱玄玄孫以叙嘉敬舊祠屬縣君以

為奉事神聖禮寔當闕宜崇祖濯以汁闕三勅縣闕

二設供曹掾史令養牲犧即堯陵廟神亨靈洞軟已

嘉瑞李樹連理生於堯闕圖闕府殿夙早闕拜遷闕

中大夫後太守河南張寵鑿擬前緒到官始初出錢

二千敬致禮祠臨立壇碑特復闕四羣闕二為闕始

闕六學徒莫不勸樂咸曰張父敦我已德厲我已仁

將獲楨應齊風前人鸞皇闕十解將悉臻矣密勿匪

休將悉至矣喜平四年十二月十日癸卯立時將作

吏胡能守堯掾仇伯爰闕十掾成闕四余

右帝堯碑篆額靈帝喜平四年立帝王世紀曰炎

帝一曰魁隗氏此云塊隗者猶包犧之為伏羲也

春秋緯曰慶都出觀三河有赤龍負圖下有人衣

赤面八采允上豐下足履翼皇奄然風雨龍與慶

都合而有娠既乳視堯如圖表茲所謂翼火之精



也炎帝傳八世故曰爰嗣八九堯在位七十載故  
曰歷運遭七蔡邕集有王子喬碑凡六十字與此  
同其間云或弦琴以歌太一或譚恩以歷丹田其  
有疾病疴瘵者靜躬祈福即獲其祚正此碑之闕  
文也漢刻載脩廟及表墓人所費有出錢百者張  
寵到郡以二千祠堯此遂夸而書之可見漢代錢  
重如此今物價翔踊錢日益少非有術以權之使  
子母重輕略能做古則不足之患未易抹也

采攝為欄奔為亦汁為叶闔為  
蘭沂為壞各即布字豎即繼字

### 成陽靈臺碑

惟帝堯母昔者慶都心含穹精氏姓曰伊禮蘭石  
操履規矩之度則乾川之象通三光之曜游觀河  
感赤龍交始生堯厥後堯來祖統慶都告以河龍堯  
歷三河有龍授圖躬行聖政以育苗萌火陽之盛先  
闇後明遂以侯伯迹踐帝宮慶都僊歿蓋堯于茲  
人莫知名曰靈臺上立黃屋堯所奉祠下營以水神  
龍所喜廬窳隱刑汾踊波沃比目鮪魚濯鱗通泉玄  
礫菟蠶生逆臺涯貫長歷久崇如

闕字

三代改易荒

廢不循五運精遷漢受溘期興成繼絕如堯為之承

祠基丰鮪魚復生故有園高畫天魚師肅仕驛憲鮪

魚服之延壽闕二之際道小衰沮遂遭亡新禮祠絕

矣於是故廷尉仲定深惟大漢隆盛德彼四表大平

未至園瑞未下四夷數侵軍甲數擾匪皇啓居日禋

不夏案經考典河洛祕奠漢感赤龍堯之首胄當循

堯祠追遠復舊復沿治黃屋推原聖意灾生變見天

以謹告前後奏上陳叙大義招祥塞咎為漢來社朝

之克省帝納其謀歲以春秋奉大宰祠時廷尉迭位

連自表奏詔英嘉命遂見聽闕二為大中大夫歸泥

黃璧令月吉日圖立規罔興業會工廢廢夷平上合

天意下應闕五飭五色華精上闕通天戶嚮少陽前

設大璧俟神之堂地致石墀其下清涼可舞儿闕以

闕大章時濟陰太守魏郡留是成陽令博陵管導各

遣大掾輔助仲君經之營之不日成之神園精業依

怙於人廢之則亡存之則神復帥羣宗貧富相均共

慕市碑着立功訓闕勒石銘中門之表卜擇元日齊

革精誠先屢毛血謹慎犧牲祈祠獲福神享其園甘

兩時降百穀孰成幽荒率服涂方來庭萬國蒙祉稌  
元賴榮豈不被德咸歌頌聲其辭曰

於赫夔都德彊大兮承精神耀統赤裔兮爰生聖堯

名蓋世兮上受符命迭帝制兮廣彼之恩汜荒外兮

厯紀盈字盈千垂遺愛兮陵廟復崇享大祭兮上來多

怙降福沛兮萬國禧寧孰不賴兮光宣美勛永闕幣

兮垂視岡極億萬歲兮

濟陰太守魏郡陰安留君諱晃字元讓從公車令來

汝陽令博陵蠡吾管君諱遵字君臺從東明門司馬

不丞穎川新汲尹茂字伯舉選下邳尉尉穎川襄城

楊調字君舉仲訢伯海從右中郎將選鉅鹿太守仲

球伯儀從大尉椽選呂長仲選孟高辟司徒府選從

不絕皆興沼大聖黃屋之力

建寧五年五月造

右成陽靈臺碑篆額靈帝建寧五年立與堯廟二

碑在成陽皆有陰堯葬慶都于成陽名曰靈臺上

立黃屋為奉祠之所漢綴其祀至亡新而繼於是

廷尉仲定奏請興治郡守審晃縣令管遵各遣大

掾助成之案兩漢地志濟陰成陽有堯冢靈臺  
 明言靈臺為堯母冢也章帝紀元和二年使使者  
 祠唐堯於成陽靈臺注引郭緣生述征記曰成陽  
 有堯陵陵南一里有堯母慶都陵稱曰靈臺據此  
 則與碑合靈臺非堯冢明矣淮南子墜形訓載海  
 外三十六國西北方有無繼民碓魚在其南注云  
 碓魚如鯉魚有神靈者乘行九野碓讀如蚌字書  
 蚌或作鮮碓無鮠字也所謂鮠魚疑即此爾碑稱  
 漢代脩祠之後鮠魚復生故有靈臺靈異魚師

不馬憲鮠字用二  
言美下  
寫讀為士憲當讀

屬也  
碑以不夏為不暇刑為形  
成為滅基為基  
為黎德彼廣彼為被返即恢字送即延字  
薦  
字

靈臺碑陰

司徒掾仲選孟高出錢二千鉅鹿太守仲訢伯海出  
 錢萬呂長仲球伯儀出錢三萬七千五官掾仲著  
 孟出錢二千從事仲謨升高出錢二千督郵仲熊伯  
 敬出錢二千督郵仲鄂伯遠出錢二千主吏仲浮  
 輔出錢二千主吏仲均季遠出錢二千主吏仲  
 關伯

豪出錢二千主吏仲耽伯通出錢二千主吏仲遐季  
 甫出錢二千主吏仲曇仲賀出錢二千主吏仲蓋升  
 高出錢二千主吏仲福對惠出錢二千主吏仲莞子  
 臺出錢二千主吏仲壽宣德出錢二千主吏仲率仲  
 進出錢二千主吏仲璜景鸞出錢二千督部仲邵子  
 周出錢二千主吏仲調子蹇出錢二千主吏仲客生  
 出錢二千主吏仲阿東出錢二千主吏仲阿先出錢  
 二千主吏仲子林出錢二千主吏仲阿先出錢二千  
 督部外孫閻丘柳景信出錢四千義民陳彦出錢二

千

右仲氏門宗前所會計沿黃屋出錢名

司徒掾仲選孟高出錢千四百鉅康太守仲訢伯海  
 錢千四百呂長仲球作儀出錢三千二百從事仲謨  
 升高出錢千四百督部仲熊伯敬出錢千四百督部  
 仲斐升臺出錢千四百主吏仲福對惠出錢千四百  
 主吏仲璜景鸞出錢五百主吏仲調子蹇出錢千四  
 百督部仲邵子周出錢千四百主吏仲熾客生出錢  
 千四百主吏仲東阿東出錢千四百主吏仲阿同出

錢四百義民陳彦弟富富弟贖出錢千

惟仲阿東幸在元冠弟有中質遵矩踰規上仁好義

見羣從無者代出錢萬以立碑大意翻然君子善之

恩加骨闕鄉朝所稱縣令管君即請署門下議生都

市掾官未可測矣

主吏仲美字斌出錢五百

右仲氏宗門所會計立作石碑誦出錢名

守皇屋畫夫仲民主

中司闕里稱術慈老闕

令管君欲造皇屋壁廡來崇忠良咸白福閭葵溢

字闕離闕周理字文機闕嚴萌將仕福更縣掾功曹

府諸曹史守尉闕

右靈臺碑陰治黃屋者二十八人作碑者十五人

凡諸仲三十一人異姓者四人其間稱美仲阿東

代群從出錢數十言其末又載工師仇福事亦數

十言碑以皇屋為黃屋遵矩踰規為遵

益州太守高朕脩周公禮殿記

漢初平五年倉龍甲戌旻天季月循舊築周公禮殿

始自文翁應期鑿度開建畔宮立堂布觀廟門相鉤  
 閱司幃延公餘相承至巧甲午故府梓潼文君增造  
 吏寺二百餘間四百年之際變異蓬蠹啓旋機離常土  
 衡失統強桀并無人襄僥幸戰兵雷合民散失命烈  
 火飛炎一都之舍官民寺室同日一朝合為灰炭獨  
 留文翁石廟門之兩觀禮樂崩坦風俗混亂誦讀已  
 絕倚席離散夫禮興則民壽樂興則國化郡將陳留  
 高君節符異境迄斯十有三載會直復亂苗憲匡救  
 濟民塗炭閱斯正靈闕三冠學者表儀闕四大小推

誠興復第館八音克諧鬼方來觀為後昌基闕神不

右益州太守高朕脩周公禮殿記今在成都獻帝

初平五年正月朔已改元興平矣此碑書九月事

尚用初平者天下方亂道路擁隔置郵到蜀稽晚

也碑云始自文翁開建畔宮者西都蜀郡守也又

去至于甲午故府梓潼文君增造吏寺者建武中

益州太守文參也又去烈火飛炎一朝灰炭者華

陽國志去安帝末初時講堂火災獨存石室也又

云郡將陳留高君者高朕也諸書多有誤以朕為

朕者朕再作石室在文翁石室之東又東即周公  
禮殿規模古質井斗異制柱皆削方上狹下廣此  
記刻于東南之一柱亦木爾歐陽氏以為文翁石  
柱記者誤也自興平甲戌至于乾道丁亥千有三  
年殿宇歸然如故由唐顯慶以來以孔子為先聖  
今禮殿無周公像矣政和中郡守席貢有請詔封  
文翁為廬江伯高朕為陳留伯在從祀之列云此碑

以旋機為璇機以擾為擾以逢蠶啓  
為蜂起樽恐作蔓王衡即王衡

### 孔廟置守廟百石孔龢碑

司徒臣雄司空臣貳稽首言魯前相璞書言詔書崇

聖道勉闕甄孔子作春秋制孝經闕五經演易繫

辭經緯天地幽讚神明故特立廟褒成侯四時來祠

事已即去廟有禮器無常人掌領請置百石卒史一

人典主守廟春秋饗禮財出王家錢給大酒直須報

謹問大常祠曹掾馮牟史郭玄辭對故事辟雍禮未

行祠先聖師侍祠者孔子子孫大宰大祝令各一人

皆備爵大常丞臨祠河南尹給牛羊豕雞闕各一

大司農給米祠臣愚以為如璞言孔子大聖則象乾



以爲漢制作先世所尊祠用衆牲長吏備闕二欲加  
寵子孫敬恭明祀傳于罔極可許臣請魯相爲孔子  
廟置百石卒史一人掌領禮器出王家錢給大酒直  
他如故事臣雄臣式愚竊誠惶誠恐頓首頓首死罪  
死罪臣稽首以聞

制曰可

制字高出一字司徒公題名在此  
行之下司空公在雒陽宮之下

元嘉三年三月廿七日

七

日壬寅

壬寅

奏雒陽宮

司徒公河南原武吳

闕

字季高

司空公蜀郡成都趙式字意伯

元嘉三年三月丙子朔廿十日壬寅司徒雄司空

下魯相承書從事下當用者選其率世以上經通一

執雜試通利能奉弘先聖之禮爲宗所歸者如詔書

書到言

永興元年六月甲辰朔十八日辛酉魯相平行長史

事下守長擅叩頭死罪敢言之

司徒司空府壬寅詔書爲孔子廟置百石卒史一人

掌主禮器選率世以上經通一執雜試能奉弘先聖

之禮爲宗所歸者平叩頭叩頭死罪死罪謹案文書

守文學掾魯孔龢師孔憲戶曹史孔覽等雜試龢脩  
春秋嚴氏經通高第事親至孝能奉先聖之禮為宗  
所歸除龢補名狀如牒平惶恐叩頭死罪死罪上  
司空府

讚曰魏魏大聖赫赫彌章相璜字少卿平原高唐  
人令鮑豐字文公上黨毛笛人政教稽古若重規

闕

君察舉守宅除吏孔子十九世孫麟庶請置百石  
卒史一人鮑君造作百石吏舍功垂无窮於是始

闕

右孔廟置守廟百石卒史孔龢碑無額在兗州仙

源縣威宗永興元年立嘉祐中郡守張稚圭按圖

經去鍾繇書碑載孔子十九世孫麟廉請置百石

卒史一人掌廟中禮器魯相乙瑛書言之於朝司

徒吳雄司空趙戒奏於上詔魯相選年四十以上

通一經者為之時瑛已滿秩去後相平復以其事

上于朝予家所藏石刻可以見漢代文書之式者

有史晨祠孔廟碑樊毅復華租碑太常耽無極山

碑與此而四此一碑之中凡有三式三公奏于天

子一也朝廷下郡國二也郡國上朝廷三也按孔

僖傳云永元四年褒成侯損徙封褒亭侯子孫相傳迄于漢末襲褒亭之封者二人此碑與史晨碑皆在永元之後仍稱褒成又安帝紀延光三年賜褒成侯帛韓勅碑陰有褒成侯建壽即損也疑損未嘗徙封傳之誤爾鍾繇以魏太和四年卒去永興蓋七十八年圖經所云非也

豕即豕字  
扶即赫字

魯相韓勅造孔廟禮器碑

惟永壽二年青龍左涖歎霜月之靈皇極之日魯相河南京韓君追惟大古華胥生皇雄顏闕育闕寶俱

制元道百王不改孔子近聖為漢定道自天王以下至于初學莫不驥思嘆仰師鏡顏氏聖明家居魯親里并官聖妃在安樂里聖族之親禮所宜異復顏氏并官氏邑中繇發以尊孔心念聖歷世禮樂陵遲秦項佞亂不尊圖書倍道畔德離敗聖輿食糧亡于沙北君於是造立禮器樂之音符鍾磬瑟鼓雷洗觴觚爵鹿相桓遵板禁真脩飾宅廟更作二輿朝車威熹宣杼玄汗以注水泮法舊來煩備而不奢上合紘臺稽之中和下合聖制事得禮儀於是四方土士仁聞

君風燿敬味其德尊琦大人之意連殫之思乃共立表石紀傳億載其文曰

皇郵統華肯承天畫卦顏育空乘孔制元孝俛祖紫宮太一所授前門九頭以什言敦後制百王獲麟來吐制不空作承天之語乾元以來三九之載八皇三代至孔乃備聖人不世期五百載三陽吐圖二陰出識制作之義以俟知輿於穆韓君獨見天意復聖二族連越絕思循造禮樂胡輦器用存古舊宇懿勲宅廟朝車威熹出誠造點涑不水解工不畢賈深除玄

汙水通

關

注禮器升堂天雨降澍百姓訥和舉國

慶神靈祐誠竭敬之報天與厥福亦享年壽上極華紫旁伎皇代刊石表銘與乾運燿長期蕩蕩於盛復授赫赫罔窮聲垂億載

韓明府名勅字對節潁川長社王玄君真二百河東大陽西門儉元節二百故涿郡太守魯鹿次公五千故會稽太守魯傳世起千故樂安相魯鹿季公千故從事魯張嵩眇高五百相主薄魯薛陶元方三百相史魯周乾伯德三百

右魯相韓勅造孔廟禮器碑無額威宗末壽二年  
 立其文雜用讖緯不可盡通呂氏春秋云有仇氏  
 女探得嬰兒于空桑是為伊尹蓋託之神物與履  
 拇吞馱同或曰空桑地名也此云聖母顏氏育於  
 空桑不經之甚湫歎者以歎為難也聖妃者以妃  
 為配也雷洗觴觚爵鹿俎桓籩枳禁喜者以雷為  
 壘以俎為俎也古爵三足而兩柱前若喙後若尾  
 有爵之象趙曰青州近獲一器全為鹿形此所謂  
 鹿豈非肖其形因以名之乎說文木豆謂之桓枳

音凡木名也皮可為索禮器曰大夫士禁注云  
 禁如今之方案儀禮鄉飲酒禮戶間斯禁設篚于  
 禁南注禁切地無足者喜與上下文符觚與汗協  
 韻當是壺字也胡輦者瑚璉也

漆字

碑以伎為暨駢音  
 驥蓮即籩字漆即

韓勅碑陰

曲成侯王嵩二百河南成畢蘇漢明二百其人處士  
 河南雒陽种亮奉高五百故兖州從事任城呂育季  
 華三千故下邳令東平陸王褒文博千故潁陽令文

陽鮑宮元威千河南雒陽李申伯百趙國邯鄲宋鎮  
元世二百彭城廣儀姜尋子長二百平原樂陵朱恭  
敬公二百平原濕陰馬瑤元興二百彭城蕪治世平  
二百泰山鮑丹漢公二百京北劉安初二百下邳周  
宣光二百河間東州齊伯宣二百陳國苦虞崇伯宗  
二百潁川長社王季孟三百汝南宋公國陳漢方二  
百山陽南平陽陳漢甫二百任城番君舉二百任城  
王子松二百任城謝伯威二百任城高伯世二百相  
主薄薛曹訪濟興三百相中賊史薛虞韶興公二百

薛方奉高二百相史下呂松闕遠百驪韋仲娜二百

處士魯劉靜子著千故從事魯王陵少初二百故替  
却魯开輝景高二百魯曹悝初孫二百魯劉元達二  
百故替却魯趙輝芒臺二百郎中魯孔宙季將千却  
史魯孔翊元世千大尉掾魯孔凱仲弟千魯孔曜仲  
睢二百處士魯孔方廣率千魯孔巡伯男二百魯孔  
憲仲則百尚書侍郎魯孔憲元上三千魯孔汎漢光  
二百守廟百石魯孔恢聖文千褒成侯魯孔建壽千  
故從事魯孔樹君德千魯孔朝升高二百行義掾魯

三才圖會卷之五十一  
三百五十七

予如封都二百魯劉仲俊二百魯夏侯盧頭二百魯  
孔儀甫二百文陽蔣元道二百文陽王逸文豫二百  
魯石子重二百北海劉袁隆展世百魯周房伯臺百  
遺西陽樂張普仲堅二百故薛令河內溫朱巖伯珍  
五百故豫州從事蕃加進子高千南陽死張光仲孝  
二百河南雒陽王敬子慎二百

右韓勅碑陰六十有二人不稱字者一人不稱名  
者二十一人漢人題名必書名字否則各有說也  
楊震碑陰孫定博諸人不名者非其所生也逢盛

碑陰崔孟祖數人不名者乃其父黨也題名於

勅碑左凡八人魯之二庶一傳不名者別守相之

尊也張納碑陰主簿白文已下不稱字者示其卑

於從事季元也史晨後碑五官掾孔暢六人不稱

字者亦示其卑於長史李謙孔僖傳云永元四年

徙封孔損爲褒亭侯損卒子曜嗣曜卒子完嗣此

碑有孔曜仲雅則永壽時曜尚未襲封所謂褒成

侯建壽當是孔損之字傳作褒亭其說在孔龢碑自永元四年

至永壽二年亦六十五年矣題名中孔族凡十四

人有譜可考者曜及郎中宙御史翊侍郎彪皆孔子十九世孫也建壽爵齒俱尊而在子姓之間宜其不名餘人雖不見爵秩當亦是一時耆老獨曲成侯王嵩一人不稱字豈爵雖襲而年尚穉者乎蘇漢明者已鐫而續書故以其人處士識于下張普未能五人書體不同蓋後人所增者

韓勅脩孔廟後碑

皇漢帝元永壽三年青龍建酉孟秋之旬升布天德帝拜大臣曾曾玄玄魯相河南京韓君追惟

孔聖素王受象乾从生于周衝匡政天文德參煇

作應星神稽易制孝升出大人徵符洞壺論要道根

赤書黃字蜚于倉天北落復下大帝闔門龍闕三精

歷星官雷動玄紫轂隱闕震春秋既成效以獲麟功

定道立封禪闕三玄闕一魯天地窈冥精皇炳辟河

雒摘靈散六制二百生師經元德浸潭孝道滋榮為

漢制作萬世闕功志誦受命以授煌煌帝闕二載天

意流通弟闕四生徒三年素王以下至于地生聞名

傾瓦視若見形天挺三五三九之闕德闕二子疫終



獲麟天為移柩曰闕七賢俊以傳君以順顯臣以無

衎韓君於氏憤愴之思惟古之嘆念闕啣闕為世寶

具受符相魯敷舒闕十謁廟拜墓感有曾玄脩飭舊

宅俟神廟堂白闕塲域庫室中郎立先王禮樂器闕

字二輿朝車威熹歷日久長承法而制以遵古常崇

聖帷坐蓐席十重改畫聖象如古尚闕十章規柩玄

汙唯深且方宅廟悉脩敬滄藥房闕五道路闕二闕

周衛行闕十恭肅春秋烝嘗欣樂之情和見於顏惟

墓以闕三歷秦闕高闕業文闕十君於闕五龍闕二

有制渡國疑少碑壇法不即闕五碑闕一造石

遣上公名卿奉表率祠來闕四作大开闕二

方闕二之用闕二韓君闕九政以弘闕一四方土梁

異人同心共術韓君德政闕八鈐約闕四曰其安闕九

字以臨東海功闕伊望泚歌欽烈蘭芳青雲首闕二

郡闕十勅民闕魯之日闕二盛隆恩及孤弱惠閔闕

窮民失闕魯飢寒得充業以土屋闕小懼康存舊闕

德夫闕所行闕四足用渠英徐闕揚闕望者成行顛

彼豫闕獨專景闕且立表石勒銘之功君輔漢室聖

帝關躬子子孫孫封關三石表基垂名八皇

府君諱勅字舛節關二字仲則弟關字子臺東

海關敬謙字季松河東臨汾人關四字子睢漢中南

鄭人長史李亮字威明河南人故少府卿任城樊府

君諱豹字伯尹丞駱景字子雲河南滎陽人道人穎

川長關三字君直五百左尉趙福字關二北海剡人右

尉關三字子興九江浚道人

右韓勅脩孔廟後碑威宗永壽三年立其間云脩

飭舊宅改畫聖象立禮樂器車輿薦席墻室壇井

皆脩廟事也其二云謁廟拜墓謂孔墓也又云異人

同心共述德政即題名中道人穎川君直也樊豹

書法獨與眾異當是魯之前相也碑以於氏為於是室為室郎為

廊術為述勅為黎畷即圖字夢即薦字

### 魯相史晨祠孔廟奏銘

建寧二年三月癸卯朔七日巳酉魯相臣晨長史臣

謙頓首死罪上

尚書臣晨頓首頓首死罪死罪臣蒙厚恩受任苻守

得左奎婁周孔舊寓不能闡玃德政恢崇臺變夙夜

憂恫累息屏營臣晨頓首頓首死罪死罪臣以建寧  
 元年到官行秋饗飲酒畔宮畢復禮孔子宅拜謁神  
 聖仰瞻懷棟俯視几筵靈所馮依肅肅猶存而無公  
 出酒脯之祠臣即自以奉錢脩上案食設具以叙小  
 節不敢空謁臣伏念孔子乾位所挺西狩獲麟為漢  
 制作故孝經援神拏曰玄公制命帝卯行又尚書考  
 靈耀曰公生倉際觸期稽度為赤制故作春秋以明  
 文命綴紀撰書脩定禮義臣以為素王稽古德亞皇  
 代雖有衰成世享之封四時來祭畢即歸國臣伏

臨僻廡日祠孔子以大宰長吏備爵所以尊先師重  
 教化也夫封土為社立稷而祀皆為百姓興利除害  
 以祈豐穰月令祀百辟卿士字士有益於民矧乃孔子  
 玄德煥炳光于上下而本國舊居復禮之日闕而不  
 祀誠

朝廷聖息所宜特加臣寢息耿耿情所思惟臣輒依  
 社稷出王家敲春秋行禮以共煙祀餘闕賜先生執  
 事臣晨頓首頓首死罪死罪臣盡力思惟庶政報稱  
 為效增異輒上臣晨誠惶誠闕頓首頓首死罪死罪

上

尚書

時副言大傅大尉司徒司空大司農府

治所部從事

昔左仲尼汁光之精大帝所挺顏母毓靈承敝遭衰

黑不代倉闕沔應聘嘆鳳不臻自衛反魯養徒三千

獲麟馭作端門見徵血書著紀黃玉韻應主為漢制

道審可行乃作春秋復演孝經刪定六藝象與天談

鈞河擿雒却揆未然魏魏蕩蕩與乾比崇

右魯相史晨祀孔廟奏銘靈帝建寧三年立按求

興元年孔龢碑載吳雄奏用辟雍禮春秋饗孔廟

出王家錢給大酒直距此纔十有七年史晨復云

到官秋饗無公出酒脯之祠至於自用奉錢乞依

社稷出王家穀以共煙祀此蓋有司崇奉不虔旋

踵廢格也孔龢碑中吳雄奏章則云奏雒陽宮此

亦奏牘乃云上尚書者郡國異於朝廷不敢直達

帝所因尚書以聞也樊毅復垂下民租奏其式與

此同漢末專尚識緯乃以鈞河擿雒而頌尼父鄙

哉

碑以倉為蒼煙為裡汁為叶悒  
即怖字勢即契字諫古饗字

史晨饗孔廟後碑

相河南史君諱晨字伯時從越騎校尉拜建寧元年  
四月十一日戊子到官乃以今日拜闕孔子聖見闕  
觀式路受轔既至升堂屏氣拜手祗肅屑僂歸若  
左依依舊宅神之所安春秋復禮稽度玄靈而無公  
出享獻之慶欽因春饗奠物嘉會述脩璧雍杜稷品  
制即上尚書參以符驗乃敢承祀餘胙賦賜刊石勒  
銘并列本奏大漢延期彌歷億萬

時長史廬江舒李謙故讓五官掾魯孔暘功曹史孔

淮戶曹掾薛東門榮史文陽馬琮守廟百石孔讚副  
掾孔綱故尚書孔立元世河東太守孔宓元上冢士  
孔褒文禮皆會廟堂國縣負允吏無大小空府竭寺  
咸俾來觀并畔宮文學先生執事諸弟子合九百七  
人睢歌吹笙考之六律八音克諧蕩耶反區奉爵稱  
壽相樂終日於穆肅雍上下蒙福長享利貞與天無  
極

史君饗後部史仇誦縣吏劉耽等補完里中道之周  
左廡垣壞決作屋塗色脩通大溝西泝里外南注城

池恐縣吏斲民侵擾百姓自以城池道濡麥給令還  
所斲民錢林

史君念孔瀆顏母井去市道遠百姓酤買不能得香  
酒美閉於昌平亭下立會市曰彼左右咸所願樂  
又勅瀆井復民飭治桐車馬於瀆上東行道表南北  
各種一行梓

儼夫子家顏母井舍及魯公冢守吏凡四人月與佐  
除

右史晨饗孔廟後碑前碑載奏請之章此碑叙饗

禮之盛其補墻垣治瀆井種梓守冢皆在饗廟之  
後字畫亦大小不等蓋史君孔林中事不一書也

碑以文陽爲汝陽濡爲墻度即薦字允  
即冗字唐即墻字壞即壞字廟即肉字

禮釋卷第一

隸釋卷第二

西嶽華山廟碑

西嶽華山亭碑

樊毅復華下民租碑

樊毅脩華嶽碑

東海廟碑

桐柏淮源廟碑

殺阬君神祠碑

并陰

西嶽華山廟碑

周禮職方氏河南山鎮曰華謂之西嶽春秋傳曰山嶽則配天乾以定位山澤通氣雲行雨施既成萬物易之義也祀典曰日月星辰所昭印也地理山川所

生殖也功加於民祀以報之禮記曰天子祭天地及山川歲遍爲自三及迭與其奉山川或在天子或在諸侯是以唐虞疇咨四嶽及歲壹巡狩皆以四時之中月各省其方親至其山柴祭燔燎夏商則未聞所損益周鑒於二代十有二歲王巡狩殷國亦有事于方嶽祀以圭璧樂奏六歌高祖初興改秦淫祀大宗承循各詔有司其山川在諸侯者以時祠之孝武皇帝脩封禪之禮思登假之道巡省五嶽禋祀豐備故立宮其下宮曰集靈宮壁曰存僊壁門曰望僊門仲

宗之世重使使者持節祀焉歲一禱而三祀後不承前至于亡新寢用公虛託今垣趾營地猶存建武之元事舉其中禮從其省但使二千石以歲時往祠其有風旱禱請祈求靡不報應自是以來百有餘年有事西巡輒過享祭然其所立碑石糾紀時事文字摩滅莫能存識延熹四年七月甲子弘農太守安國亭侯汝南袁逢掌華嶽之主位應古制脩廢起頽閱其若茲深達和民事神之義精通誠至初祭之福乃案經傳所載原本所由銘勒斯石垂之于後其辭曰



巖巖西嶽峻極穹蒼奄有河朔遂荒華陽觸石興雲  
雨我農桑資糧品物亦相瑤光崇冠二州古曰雞梁  
馮于幽峻文岳克昌天子展義巡狩省方玉帛之贄  
禮與岱亢六樂之變舞以致康在漢中葉建設宇堂  
山嶽之曰是秩是望侯惟安國兼命斯章尊脩靈基  
肅共壇塲明德惟馨神歆其芳遏穰凶札犁斂吉祥  
歲其有年民說無疆

袁府君肅恭明神易碑飾闕會遷京兆尹孫府君到  
欽若嘉業遵而成之延熹八年四月廿九日甲子就

袁府君諱逢字周陽汝南汝陽人孫府君諱  
陵安平信都人時令朱頡字宣得甘陵鄆人丞張舅  
字少游河南京人左尉唐佑字君惠河南密人主者  
掾華吟王長字德長

京兆尹勅臨都水掾霸陵杜遷市石遣書佐新豐郭  
香察書劾者穎川邯鄲公脩蘇張工闕君闕

右西嶽華山廟碑篆額在華州華陰縣威宗延熹  
四年袁逢守洪農郡以華嶽舊碑文字摩滅遂案  
經傳載原本勒斯石以垂後會遷京尹乃勅都水

掾杜遷市石遣書佐郭香察書碑成於後之四年  
蓋孫璆典郡時也逢者司徒安之曾孫太尉湯之  
次子嘗為司空而卒史不載其歷洪農京兆乃闕  
文也東漢循王莽之禁人無二名郭香察書者察  
泣它人之書爾小歐陽以為郭香察所書非也碑  
云四時中月省方柴祭不讀中為仲其義亦通至  
以宣帝為仲宗則是借仲為中說者謂漢世字少  
故多假借或曰漢人簡管字相近者輒用之予以  
為不然亦好奇之過爾以帝者廟號而借以它字

不恭孰甚焉

碑云昭卬禮記作瞻仰亢即亢字昂  
即昉字香即香字卬卬字又以廢

為廢女陽  
為汝陽

### 西嶽華山亭碑

惟光初元年歲在戊午名曰咸池季冬己巳弘農大  
守河南河南樊君諱毅字仲德下車之初恭肅神祀  
西嶽至尊詔書奉祠躬親自往省從簡謙即事有漸  
散齋率亭齋室逼空字窄郡縣官屬灋齋縣處尊卑錯  
紕精誠不固畏天之威逢斯輝怒時雨不興曰甘澍  
弗希念存黔首懼闕曠繫於是與令巴郡胸忍先謹

公謀圖議繕故斷度擇廓立室異處左右趣之莫不  
競慕二年正月己卯興就既成有方字九休嘉啟靈各  
得竭情福禱是顧列茲碑號庠卒俠路其辭曰

巖巖西嶽三鎮次宗緒德之尊大率優隆皇帝永思  
祀典孔明高神宵宴珪璧誓通赫赫在上以畜萬邦  
惟嶽降神寔生羣公卿士百辟續業攸蒙帝命不違  
歲事報功后辟命卿殷齋外亭敬恭明祀以奉皇靈  
處所逼空肩罕有聲神樂其靜漪暈舞形尊卑有序  
繫心致誠因繕舊室整頓端平在其板屋孰不加精

天人同道萬社是迎既受帝祉延弓後生為龍為光  
顯人王庭為公為侯福禱來成刻石紀號永亨利貞  
府丞勃海劉固村長功曹史楊儒寧先主簿湖楊旭  
伯馮供曹掾楊基伯載史陝許礼文化縣丞隴西彭  
和伯怡左尉隴西甄琛村掌臨典者門下掾駱瑗伯  
先主記史柏覽文進戶曹掾魏嘗威長史田膺文祖  
將作掾曹鑒孔明任就秀成史吳武丙昌

右西嶽華山亭碑篆額碑云光和元年歲在戊午  
名曰咸池案淮南子論天之四宮曰咸池者水魚

之園天官書云西宮咸池曰天五潢奎婁胃昂畢  
 觜參居之敦牂歲歲星以五月與胃昂畢晨出東  
 方名曰天津蓋三宿在西宮之中而歲星以午年  
 舍其分故以咸池為名所云天津者亦取五潢之  
 意淮南又以斗杓為小歲咸池為太歲而謂其每  
 歲自卯逆行四仲即陰陽家所推以忌乘航者是  
 也許祭酒注云咸池星名水魚天神蓋經星隨璇  
 機之運不可離其次者周流四仲當是其神爾故  
 晉志又云咸池魚園也

碑以俠為夾帑即布字繁  
 即素字殷即啓字肖即肯

字學即  
 曼字

樊毅復華下民租田口筭碑

光和二年十二月庚午朔十三日王丰弘農太守臣  
 毅頓首死罪上

尚書臣毅頓首頓首死罪死罪謹案文書臣以去元  
 年十一月到官其十二月奉祠西嶽華山省視廟舍  
 及齋衣祭器率皆久遠有垢故魯不脩大室春秋作  
 譏臣以神嶽至尊宜加恭肅輒遣行事荀斑與華陰  
 令先謹以漸繕治成就之後仍雨甘露澱潤宿麥惠

宗聖卷第二  
滋勅庶臣即日以詔書齋祠靈未消澤時日清和神  
歡民喜誠

聖朝勞神日昊廣被四表覆毓之德神人被施遐邇  
大小莫不率其甚臣毅頓首頓首死罪死罪謹又書言  
縣當孔道加奉尊嶽一歲四祠養牲百日常當充肥  
用穀橐三千餘斛或有請兩齋禱役費蕪倍毋被詔  
書調發無差山高聽下恐近廟小民不堪役賦有飢  
寒之窘違宗神之敬之羞諸賦復率下十里以內民  
租田口美以寵神靈廣祈多福隆中興之祚臣輒聽  
行盡力奉宣詔書思惟惠利增異復上臣毅誠惶言  
恐頓首頓首死罪死罪上

尚書

掾臣徐屬臣准書佐臣謀

弘農太守上祠西嶽之縣賦發差復率下十里以內  
民租田口美狀

右樊毅乞復華下民租田口筭狀此碑全載光和  
二年十二月壬午奏牘別無它詞蓋毅到郡即遣  
官屬繕治廟宇縣令以地當孔道一歲四祠有養

牲之費調發之勞故為華下十里之內希句恩卹  
 雖不同孔廟卒史碑併載朝廷施行語案後碑云  
 上秦復賦克厭帝心則知已從其請矣碑後有唐  
 興元中縣令盧倣題字云碑在廟北隙地没于荒  
 榛時方徙之縣治云

此碑勅為黎澱為漸前漢志注云三輔黃圖漸臺亦作澱

樊毅脩華嶽碑

山經曰泰華之山削成四方其高五千仞廣十里周  
 禮識方氏率謂之西嶽祭視三公者以能興雲雨產  
 萬物通精氣有益於人則祀之故帝舜受堯歷數觀

自泚省設五鼎之奠崇煇壇埋致敬神祇艾用路  
 百穀繁殖黎民時維鳥獸率俾鳳皇來儀暨夏殷周  
 未之有改也其德休明則有禎祥荒淫臊滅蕩災必  
 降秦違其典僻遺鄣池二壘以亡

漢祖應運禮遵陶唐祭則獲福亦壘克昌亡新滔淫  
 鬼神不亨達武之初彗掃頑凶更率舊章設用玄牡  
 牲牲必充天惟醇祐萬國以康光和二一年有漢元明  
 五侯之胄謝陽之孫白樊府君諱毅字仲德承考讓  
 國家于河南究職州郡辟公府除防東長中都令誅

強黼撫瘠民二鄙以清命守斯邦威隆秋霜恩踰冬  
日景化既宣由復夕惕惟寵祿之報順民之則孟冬  
十月齋祠西嶽以傳罔狹不足蒙尊卑廟會舊久牆  
屋傾亞垂室不脩春秋作譏特部行事荀斑與縣令  
先讜以漸補治設中外館圖珍琦畫牲獸嶽瀆之精  
所出植秀役不于時而功已著暫勞久逸神永有憑  
自古泰山邴色由存又嶽尊同哀此勤民獨不賴福  
乃上復十里內工商農賦克厭帝心嘉瑞仍含風雨  
應時濺潤品物君舉必書况乃盛德惠及神人可矣

述焉於是功曹郭敏主簿魏龍戶曹史許禮等遂刊  
玄石銘勒鴻勛垂曜童軫永有昭識其辭曰

兩儀剖判清濁始分陽凝成山陰積為川泰氣雍容  
洪波汜臻堯命伯禹決江開汶以靈既交

闕二字

地民

乃列祀典辨于羣神因瀆祭地嶽以配天垂主遵脩  
永亨歷年赤銳煌煌受茲泰福京夏密清殊俗賓服  
令問不違可謂至德德音孔昭實惟我后出自中興  
大漢之明本枝繁昌延慶長久俾守西嶽達奉神禮  
改傳飾廟靈則有濟降瑞含柱景風訖悌惟風及雨

成我稷黍穡民用章康艾室宇刊銘紀誦克配梁甫  
 右樊毅脩華嶽碑華嶽有樊毅之碑三華亭及華  
 租碑皆云祠事在元年季冬華亭碑云繕治就緒  
 在二年正月此碑叙始祠乃在二年十月與前不  
 同蓋此碑多誇如云復十里內工商農賦夫以祠  
 祭勞民養牲費橐為農乞復租筭可也工商何與  
 焉前碑以午年季冬巳巳齋祠至來春巳卯一旬  
 之內工役已就則所脩者散齋外亭爾蓋是以次  
 整治工役相繼至末年之冬衆作咸畢十月之祠

乃是次年再舉此云役不于時而功已著蓋欲  
 其速成故不引午年之祭也碑云有漢元舅五侯  
 之冑謝陽之孫按范書樊宏封壽張侯樊丹射陽  
 侯樊尋玄鄉侯樊忠更父侯樊茂平望侯樊氏  
 者凡五國毅即丹之後也水經云泚水西南流謝  
 水注之詩所謂申伯番番既入于謝者樊丹封謝  
 陽即其國又云自廣陵出白馬湖逕山陽城西即  
 射陽縣之故城高祖封項纏為射陽侯乃其地據  
 此則傳以丹為射陽誤也

碑以識方為職方壘  
 神聖為黎公為職方壘



漸无為况畫幹為億齡壽即  
舜字台即答字泰即介

### 東海廟碑

惟永壽元年春正月有漢東海相南陽  
時享祀有常每節壹切旋則隨扇於  
亦寧凡尊盧祇敬鬼神寔為黔黎  
相帥四面並集乃部掾何俊左崇  
樓經構既立事業畢成俊等鑄石  
遂闕而不著初縣典祠有漢東海  
息之涼瀕海鹽月

貧富俱均下不容姦闕仁憂闕三惠康民賴其利

熹平元年夏四月東海相山陽滿君闕四初朋令闕下

進瞻壇闕退宴禮堂嘉羨君功既爾闕三是乃退咨

闕下惜勛績不著後世無聞遂作頌曰

浩浩倉海百川之宗經落八極潢闕二洪波潤闕下物

雲兩出焉天淵闕二禎祥所闕昔在前代昭事百闕下

有司齊肅鈺刀四時奉祠蓋亦所以敬恭明神報功

闕下闕倚傾於鏤桓君是繕是脩闕二慕闕不日而成

功闕下孫退述爰勒斯銘芳烈亦著闕載垂馨

碑陰

闕者秦始皇所立名之秦東門闕事在史記

右東海廟碑靈帝熹平元年立在海州末壽元年

東海相南陽君崇飾殿宇起三樓作兩傳其掾屬

何俊左榮欲為鐫石而南陽君止之厥後山陽滿

君踵其武嘉歎勛績為作碑頌而二君名皆淪滅

矣別有數句載秦東門事乃頌所謂倚傾之闕者

碑錄胸山有秦始皇碑云漢東海相掾任恭修祠刻

於碑陰似是此也任君當又在滿君之後南陽

役更十八年後人猶頌其美則模撫決非苟然者

予官京口日將士往來胸山者云海廟一椽不存

自今非四十年前舊物不復見此刻矣歐陽公時

天下一家漢碑雖在遐陬窮谷無脛而可至集古

錄中已屢言難得為可寶况今乎

碑中以  
隨為地

桐柏淮源廟碑

延熹六年正月八日乙酉南陽太守中凶靈奴闕君

處正好禮尊神敬祀以淮出平氏始於大復潛行地

中見于陽口立廟桐柏春秋宗奉灾異告熱水旱請

求位比諸侯聖漢所尊受珪上帝大常定甲郡守奉  
 祀濟絜沈祭徒郭君以來廿餘年不復身至遣丞行  
 事簡略不敬明神弗歆災害以生五嶽四瀆與天合  
 德仲尼慎祭常若神在 淮則大聖親之桐柏奉見  
 廟祠崎嶇逼狹開拓神門立闕四達增廣壇場飭治  
 華蓋高大殿宇闕齊傳館石獸表道靈龜十四衢廷  
 弘敞宮廟嵩峻袒慎慶祀一年再至躬進三牲執玉  
 以沈為民祈福靈祇報祐天地清和嘉祥昭格禽獸  
 碩茂草木芬芳黎庶賴祉民用作頌其辭曰

滋沚淮源聖禹所道蕩蕩其逝惟海是造跡穢濟遠

柔順其道弱而能強仁而能武闕一字晝夜明哲所取

寔為四瀆與河合矩烈烈明府好古之則安恭禮祀

不待其德惟前廢弛匪躬匪力灾眚以興陰陽以忒

陟波高密臻茲廟側肅肅其敬靈祇降福雍雍其和

民用悅服穰穰其慶丰穀豐殖望君輿駕扶老攜息

慕若塵軌戒走忘食懷君惠賜思君罔極于肯樂于

傳于萬億

春侍祠官屬又官掾章陵劉訢功曹史安眾劉瑗主

薄蔡陽樂茂戶曹史宛任巽

秋五官掾新闕梁懿功曹史酈周謙主簿安衆鄧疑  
主記史宛趙旻戶曹史宛謝綜

右祠柏淮源廟碑今在唐州載延喜六年南陽守  
躬祠淮廟事水經云廟前有碑是郭苞立又二碑  
延喜中守令所造此則其一也碑云奉祀齊絜字  
書無齊字以文意推之當為齊戒之齋此碑又有  
一正書者如華蓋誤作萃豐書夜誤作立式凡十  
數字婁壽亦有正書一碑州鄰誤作鄰里愛懷誤

作盛德其難辨如朱爵及處謚字則以為闕文子  
之費自力於此書良不少也拓即拓字華即華字  
祗即祗字肅即奔字

敬阮君神祠碑

天地定位凶闕七嶽瀆諸侯闕事其細闕祭法白凶

林川谷有益於民闕二左祀典夫中滌之凶者蓋率

嶽之體也石隈樹谷南通商雒以屬熊耳百川鍾集  
充崖滿谷時有盛雨彭瀾涌溢兼高趨下揚波跳沫  
於是敬阮以為之齋承寫其流北注諸渭調溇滴暴  
使不為害前世通利吏民興貴有御史大夫將軍牧

伯故為立祠以報其功自亾新已來其祀墮廢防稍  
堙塞隄防沮潰漂渡田疇滯敗亭市神怒民怨縣遂  
以袞賤仕宦失官踣弊不震迄光和四年佗諮之歲  
令河東聞熹關君諱關字君關為政以德五教時序  
肅恭明神敬奉裡祀勤郵民隱而除其害愍一縣之  
陵遲懼關至之無備追惟伯禹遏治之利乃復浚治  
散防通利其水紹脩舊祀弘拓其祠使民報祈視於  
社稷其有徵拜州郡辟名皆當來辭大小有差散防  
君尚饗後之人是遵是奉神必據焉

光和四年六月辛未造

丞陳留陳留夏龔叔淵左尉金城令居張德元關有  
秩長安賈福仲鮫田亮伯南蘇熹仲夏高紺子彊蘇  
璋元興路陽子慎關字關仲義蘇立仲節李邵伯考李  
政寧安王勝元起趙榮宣昌侯榮關方趙殷仲理王  
弘漢侯楊習元永萇防季方介冲景升趙濟子成但  
邵仲雲田芝子村張珪子珪相梁子順來臨選高許  
傾關字關楊平長方李珍伯關丁封漢侯李和元永范  
建子順呂泉文淵田表文飾王范顯方李紀德和斬

苗長南賈熙子寧任觀

關二

吳楞子方張巽為謙李

衡升擢王琦威賢張脩元載四禕元明王衍元升田

謙敬讓趙慎季都劉翔進方王頌子睢王咸為寧梁

和子陽馬

關

選高營

關

仲公營適升高郭義君思蘇

禎元升閔漢國寧郭歆賢明郭捷仲捷趙嵩瑋高劔

翊子翊田僊秀和高盛村排揚服國先賈靚子上慈

仁安國張信紉信

右穀阮君神祠之碑銘篆額在鄭縣靈帝光和四

年縣令裴畢字君先立碑無縣令姓名据水經得

之穀有二陵古稱地險蓋小阜高深兩盛水集有

阮以儲之則可以疏泄漑注而無溢溢之患自晉

魏以來謂之五部神廟歐陽公嘗託部使者模此

碑命工以麵填其刻而鐫剔之始可讀云廟有石

隄西成樹谷五樓先生東臺御史王翦將軍之像

莫可曉今碑云石隄樹谷南通商雒當是有石為

隄有木為谷後人因以名其神碑云前世通利吏

民興貴有御史大夫將軍牧伯故為立祠考其文

意蓋謂前世阮不堙塞水泉通利地產人物有至

御史將軍牧伯之貴者後人不考亦以名其神爾  
 光和之四年龍集辛酉此碑以作噩為作詔者出  
 西漢天文志碑之末有題名六十六人云有秩長  
 安知其皆長安人也李翕碑云衡官有秩李瑾倉  
 頡碑云蓮勺左鄉有秩衛彈碑云有秩定陵杜則  
 漢志有秩郡所署秩百石掌一鄉人戶五千則置  
 言其官裁有秩也碑以彭為澎防即  
 吭字拓即拓字

殺阬碑陰

上闕五人 叢散字 鵠伯鸞闕 龍子恩梁儻伯然張叙敬升鍾

乾元遜王裴仲輔王典秀讓吳中文和王肅伯姓徐

相子拒闕 茂宣德張鴻子恩杜蹟元載姚堂元政叢

闕 秀舉孔脩仲闕 衛伯魯闕 趙翔德鸞李高子

師尹擢升先李闕 禮史高君義史旬德和張斐彦

輔王賢村善斬訕彦德田珠村王史拒秀升王鳳德

鸞解訓元叢馬彤仲選董衡奉德王興升侯徐稱升

舉闕 景傳介覽孔紀闕 文德張闕 延明李

覽景豪程闕 孔臺壽翼左瑛吳闕 文平王蘭元臺李

義孝鸞鄭續秀嗣楊添秀羅

右郡吏名

王棋孔鸞吳楚彦林吳頌仲升王衡相如叢常德淵

灌珠升明張儁廣漢郭永子長个演仲瑤費常伯臨

樂授博文董闕德和闕信闕相闕張訓闕

字李操弟卿王巽仲宜田昌世昌姚恪文瑋闕元

和闕舊房才夏廣政方戴玘文直閔芳瑋瑛張棋叔

蓋王皓景然張奉文鸞田俱伯俱李玆永齊趙超文

林陳異子都高廣廣寧方珪叔珪薛胡威甫救舉遂

興韓高元寶尹廣元佐王方叔段袁渡廣世闕二人

字升闕二蔣仲謀田翕伯佑郭曙元良王闕叔海田

楞威甫趙撫蓋闕來仁伯仁馬弘阿買田式文嗣王

京子京李龍升和楊常子騫趙授保受龐龍子贛李

字義王醜雲甫救舅文曜田寧叔威姚豐富闕楊

暉進闕張宗宣平范甫次君闕二子雲闕四人又顯

明胡放子封王蓋蓋德李康季邑蘇排紉排蘇香伯

志籍昌仲昌田嵐仁卿馬礪紉礪萋冬冬生王雲文

謙緱羣伯羣徐位建明趙達文達李梯漢威趙寧寧

昌尹涼升和張炅子師略陽京師張寵孟升李汎長



珠徐衡仲緒杜淵季淵闕忠子信王忠長和趙春孟

春王覽文進闕二阿闕一字又王尊長珪楊悒子闕

上官季弟楊道村道寒亮君謙闕滿顯成楊雨石雨

北宮世平楊寧長寧吳累元累許和元德劉寧寧興

劉盛子上劉奉阿奉劉興阿興劉緒長升鄭文文平

袁帶村平朱長桂所房張輔伯輔闕二孟堅王遠阜

興華選孟方陳友村友潘京阿京北宮子祿朱泚伯

闕李延延方斬政方政車春阿春田彦弟彦孫慎子

慎王賀元賀華長阿長張選村安田高長高魚升升

明趙始始昌楊明阿明楊陽阿陽張丙阿丙李朝

和趙墨阿黑李賢阿賢張長阿長李南阿南魏騫伯

信李誨元稱藥遠子長楊覽文博侯麟文都張僉元

行王進闕楷田普元臺蘇闕伯臺楊棋伯昌孫恪文

敬桓敷公平范叙文彊劉文文載吳鴻子超趙懿子

肯潘建文德實協選和陳步村才朱瓊子村史容子

容楊吉文行闕遠子遠北宮阿猛王劄季帑布張侯

孟都張蕃市生駱紹承先蘇都村木馬金阿金趙覽

文博車詡季詡斬彦彦平魏憲闕憲闕汜文木田黑

阿黑闕一人 吳闕三字 田闕 阿羣高棕子珪陳傾阿傾杜

寔阿寔韓廣廣寧任負阿負趙澈阿越田擢子闕王

臺村臺田闕 孝闕 夏侯阿升吳道文建王尊阿尊龍

曜文曜于緇升高馮羣阿羣松龍文獻吳鳳阿鵠趙

衆文德李超元德闕 脩文和侯暘文義田寄阿寄詹

觀阿闕 田闕二 字 彦賈闕 仲闕一 字 又 田闕三 字 李崇阿

崇來嵩升高楊木達升趙長阿長龍寧阿寧帶宮阿

宮蘇永德長王忠阿忠張湘元闕 李曜秀木張蘭蘭

御史式阿式鄭儉村節董遠升高任羣阿羣潘升阿

升楊敞阿敞田通升達巖別阿保趙客阿生田謹

謹龍就秀德任遷阿遷張金阿金陳奉文和高揚宣

舉闕三 字 達闕一 人 壽盖阿盖張飛秀龍賈奉阿奉王脫

萬歲略陽孝弟趙尊元敬闕 玉闕 瑛戴闕 文持趙闕

元崇夏統子治田受子道高真子慎楊通子通張睢

子升張寧子安吳丙子升闕 豪文賀隗益阿盛張漢

子闕 甄謀子謀侯選子選張睢睢闕 孫龍子闕 趙堅

子堅魏生長生金闕三 字 杜闕二 字 又 略陽子闕 季偃

子闕 秦靈孔靈楊闕 子闕 樂朝朝卿王貝阿貝

右殺阮神碑陰三百四十二人其磨滅不可見者三十餘字小而勁漢隸之神品也前碑之後曰有秩者六十餘人在碑之陰則無秩可知矣其前四十餘人稱之曰郡吏其間四十人皆字其名而繫以阿字如劉興阿興潘京阿京之類必編戶民未嘗表其德書石者欲其整齊而強加之猶今閭巷之婦以阿挈其姓也又有複姓數人但云北宮世平夏侯阿升可見其不欲參差也靈臺碑陰載諸仲名字有仲東阿東及仲阿同仲阿先數人與此

正相類

尋即曼字  
它碑皆然

隸釋卷第二

隸釋卷第三

老子銘

楚相孫叔敖碑 并陰

仙人唐公房碑 并陰

張公神碑

三公山碑

無極山碑

白石神君碑

老子銘

老子姓李字伯陽楚相縣人也春秋之後周分為二  
稱東西君晉六卿專征與齊楚並僭號為王以大井  
小相縣處荒今屬苦故城猶在左賴鄉之東過水處

其陽其土地鬱翳高峻宜生有德君子焉老子為周  
守臧室史當幽王時三川實震以夏服之季陰陽之  
事鑿喻時王孔子以周靈王廿年生到景王十三年  
十有七學禮於老聃計其年紀聃時以二百餘歲聃  
然老旄之貌也孔子卒後百廿九年或謂周大史儋  
為老子莫知其所終其二篇之書稱天地所以能長  
且久者以不自生也厥初生民遺體相續其死生之  
義可知也或有浴神不死是謂玄牝之言由是世之  
好道者觸類而長之以老子離合於混沌之氣與三

光為終始觀天作識闕降升斗星隨日九變與時消

息規槩三光四靈左廟存想丹田大一紫房道成身

化蟬蛻渡世自羲農以來闕為聖者作師班固以老

子絕聖棄知禮為亂首與仲尼道違述漢書古今人

表檢以法度抑而下之老子闕與楚子西同耕材不

及孫卿孟軻二者之論殊矣所謂道不同不相為謀

也延熹八年八月甲子

皇上尚息弘道舍闕光大存神養性意在凌雲是以  
潛心黃軒同符高宗夢見老子尊而祀之于時陳相

邊韶典國之禮材薄思淺不能測度至人辯是與非  
案據書籍以為老子生於周之末世玄虛守靜樂無  
名守不息危高官安下位遺孔子以仁言辟世而隱  
居變易姓名唯恐見知夫日以幽明為節月以虧盈  
自成損益盛衰之原倚伏禍福之門人道惡盈而好  
謙蓋老子勞不定國功不加民所以見隆崇于今為  
時人所享祀乃昔日逃祿處微損之又損之之餘胙  
也顯虛无之清家云先天地而生乃守真養壽獲又  
福之所致也敢演而銘之其辭曰

於惟

闕

息抱虛守清樂居下位祿執弗營為繩能直

屈之可縈三川之對舒憤散逞陰不填陽孰能滯并  
見機而作需郊出坳肥遁之吉辟世隱聲見迫遺言  
道息之經譏時微喻尋顯推冥守一不失為天下正  
處厚來薄居實舍榮稽式為重金玉是輕絕嗜去欲  
還歸於嬰皓然歷載莫如其情頗違法言先民之和  
要以无為大闕用成進退無恒錯綜其貞以知為愚  
冲而不盈大人之度非凡所訂九等之敘何足繫名  
同光日月合之闕星出入丹廬上下黃庭背棄流俗

舍景匿形苞元神化呼吸至精世不能原印其永生  
天人秩祭以昭厥靈美彼延期勒石是旌

右老子銘篆額在亳州苦縣苦屬陳國故其文陳  
相邊韶所作碑云延熹八年八月帝夢老子尊而  
祀之帝紀此年春冬兩遣中帝侍至苦祠老子水  
經載蒙城王子喬碑亦云延熹八年八月帝遣使  
致祠國相王璋乃銘紀遺烈蓋威宗方脩神僊之  
事故一時郡國競作碑表此石立於延熹無疑杜  
子美云苦縣光和尚骨立者誤也碑中多用大史

公語唯聃然老旄之說不同韶以老子與子西尸  
科深詆班孟堅之失至於韓非同傳則又置而不  
論何也碑云孔子學禮於老子時年十有七按世  
家孔子年十七孟釐子病誠其嗣必師孔子故孟  
懿子與南宮敬叔往學焉其次又云敬叔與孔子  
適周見老子詳史之所記初非一年中事况孟釐  
子卒在魯昭公二十四年孔子蓋年三十有五矣  
韶不詳究史家之指而誤用之何貴乎五經笥也

碑以谷神為谷神旄與耄同渡與度  
同材與纜同累與累同豸與寂同

楚相孫叔敖碑

舊碑闕五十餘字此用續刻者故其文全

楚相孫君諱饒字於敖本長縣人也六國時期思屬  
楚都南郢南郢即南郡沔陵縣也君受純靈之精  
懷絕世之才有大賢次聖之質少見技首蛇對其母  
泣吾將死母問其故曰吾聞見技首蛇者死今日見  
之母曰若奈之何吾然行數十步念獨吾死可空復  
令他人見之死為曰埋掩其刑母曰若無憂焉其陰  
德玄善遂為父母九族所異及其為相布政以道孝  
文象之度敬授民時悉藏於山殖物於藪管道川谷

波障源淥澆灌坂澤堤防湖浦以為池沼鍾天地之  
美收九罟之利以愍潤國家家富人喜優略樂業試  
序左朝野無蟻儼豐年蕃庶人有曾閔貞孝之行四  
民美好從容中節高榭改幣一朝而化其憂國忘私  
乘馬三車不別牝牡繼高陽重葵五舉子文之統其  
忠信厲勇禮樂文章軌儀同制其富國充民明天時  
盡地力寔堅禹稷不能踰也專國權寵而不榮幸一  
旦可得百金至於歿齒而無分銖之蓄破玉玦不以  
寶財遺子孫終始若矢去不善如絕紉辟患害於無



刑術節高義敦良奇今自曹臧孤竹吳札子罕之倫  
不能驟也生於季末仕於靈王立溷濁而澄清靈幽  
曙而昭明其遺武餘典懼不與越皇帝代同世世為  
列姪國左朝廷其意常黑黑若冠童甫而哭塗炭也  
病甚臨卒將無棺郭令其子曰優孟曾許千金償吾  
孟楚之樂長與相君相善雖言千金實不負也卒後  
數年庄王置酒以為樂優孟乃言孫君相楚之功即  
沈慨商歌曰貪吏而可為而不可為廉吏而可為  
而不可為貪吏而不可為者當時有汙名而可為者

子孫以家成廉吏而可為者當時有清名而不可為  
者子孫困窮投竭而賣新貪吏常苦富廉吏常苦貧  
獨不見楚相孫討教廉潔不受錢涕泣數行若明首  
王王心感動覺悟問孟孟具列對即求其子而加封  
焉子辭父有命如楚不忘亡臣社稷闕而欲有賞必  
於潘國不濕堯堯人所不貪遂封潘鄉潘即固始也  
三九無嗣國絕祀廢固始令段君夢見孫君則存其  
後就其故祠為架廟屋立石銘碑春秋巫嘗明神報  
祚即歲遷長掖大守及期思縣宰段君諱光字世賢

魏郡鄴人庶慕先賢體德允恭篤古尊賢奉履憲章  
欽翼天道五典興通文籍祭  
志在惠康坐枯粟之愛育藜  
杜偽養善是忠表仁感想孫  
勤勤愛敬念意自然刻石銘  
福祐期思縣與士熾孫氏

漢延熹三年五月廿八日立

右楚相孫君之碑隸額今在光州延熹三年固始  
令段光爲叔敖作廟所立晉楚莊王朝而晏罷矣

姬因言虞丘之非虞丘乃薦叔敖代已而去楚  
國區區前有虞丘後有孫叔其內又有樊姬莊王  
雖欲不霸得乎左氏傳載薦爲叔敖爲艾獵杜預皆以  
爲叔敖它書但云孫叔敖此碑獨言其名饒未知  
何據高相改弊乃孫叔革故易俗之事左傳所云  
君子小人物有服章亦是類也蛇有二首謂之枳  
首枳讀如枝亦曰岐首此云技首蓋是借用鼉錯  
倪寬史家亦用朝與兒字此以伍舉作五舉以庭  
堅作霆堅豈古亦通用乎

碑中以刑為形以波為  
波以枳為式以貸為贊

以藜為黎以驂為參以墨為默以郭為槁以  
長掖為張掖泉添水而為淥澤去水而為畢

以忠清相楚不以寶財遺子孫王玳尚猶破之蓋

季文子公儀休之倫也云亡未幾妻子至於披褐

賣薪楚廷非無左右大臣塗其耳而不聞卷其舌

而不談慷慨悲歌感寤主聽乃一伶人爾豈樊姬

已死而叔敖薦進之士不逮虞丘乎三五無嗣者

無相繼為三公九卿也又負聚豎野蝨處塗還解即質聚游野螟處塗還解字

### 孫叔敖碑陰

延熹三年歲在闕二中夏之節政在封表期恩長光

視事一紀國中耆士舊聞孫君楚時良輔

本起比邦垂於後博求遺苗曾玄孫子孝龜吉辰

五月辛卯午廢可立碑祀招請諸孫都會國右

郭西道北露月顯好興上宰祭倡優鼓舞式序其曹

授之端首光以不肖貪追賢烈以自榮寵時丞左馮

翊姓如諱武尉京兆周陵詳集共造戶曹掾東騰令

史許裕

相君有三嗣長子即封食邑固始少子在江陵中子

居三闕空闕業績林二宗則其苗曹也相君卒後

十有餘世有渤海大守字武伯武伯有二子長子字  
 伯尉少子字仲尉仕郡為掾史伯尉有一子字世伯  
 舉江夏孝廉城門侯仲尉有二子長子字孝伯荊州  
 從事弟世信仕關二掾功曹會考哀之間宗黨為賊  
 殺所殺世伯孝伯世信關各遺一子財八九歲微弱  
 不能仕學世伯子字子仲治產於績宬有六男一女  
 大子字長都次子蘭卿次弟字仲陽次弟字赫通次  
 弟字澍公次弟字劉卿此績宗六父也孝伯子字文  
 亦不仕學治產於材宬亦有六男一女大子字惠

明次第字次卿次弟字聖公次弟字稚卿次弟字產

卿次第字少都比材宗六父也世信一子相承季陵

文卿孝公比關宬一父別其高祖與材高祖父親兄

弟孫氏宗族別關誼紀也

右孫叔敖碑陰此陰與前碑皆延熹三年五月所

作前云臨縣一載此云視事一紀蓋以一紀為一

年爾段光宦君子之鄉懷良輔之美訪問耆舊博

求遺苗卜擇今日與廟植碑招集諸孫倡樂高會

又以其雲來長幼之序仕學生產之實刻于碑之

陰雖自譜其家者亦不如是之詳也

績即繚字然即殺字謹即

譜字

### 仙人唐公房碑

君字公房成固人蓋帝堯之

字

關十

之故能舉家

字

關五

去上陟皇耀統御陰陽騰清躡浮命壽無疆雖三公

之尊四海之富曾

字

關五

毛天地之性斯其至貴者也

耆老相傳以為至矣居攝二季君為郡吏

字

關四

土域

啖瓜旁有真人左右莫察而君獨進美瓜又從而敬

禮之真人者遂與

字

關

期智谷口山上乃與君神藥白

服藥以後當移意萬里却鳥獸言語是時府在西

去家七百餘里休謁往狹轉景即至闔郡驚為白之

府君從為御史聳轂車被具君乃畫地為獄台胃

誅之視其腹中果有被具府君

字

賓燕欲從學道公

房頃無所進府君怒勅尉部吏收公房妻子公房乃

先歸於谷口呼其師告以危急其師與之歸以藥飲

公房妻子曰可去矣妻子孿家不忍去又曰豈欲得

家俱去乎妻子曰固所願也於是乃以藥塗屋柱飲

牛馬六畜須臾有大風玄雲來迎公房妻子屋宅六

畜儵然與之俱去昔高松崔白皆一身得道而公膺  
舉家俱滑盛矣傳曰賢者所存澤流百世故使聳鄉  
春夏毋蚊蚋秋冬鮮繁霜癘蠱不遐去其螟蟻百穀  
收入天下莫知斯德祐之效也道牟羣仙德潤故鄉  
知德者鮮歷世莫紀

漢中大守南陽郭君諱芝字公載脩北辰之政馳周  
郤之風歆樂唐君神靈之美以為道重者名郤德厚  
者廟尊乃發嘉教躬損奉錢倡率羣義繕廣斯廟  
和析福布之北民刻石昭音揚君靈譽其辭曰

上關遂享神樂超浮雲兮翺下關

碑陰

故江陽守長成固楊晏字平仲東部督却成固左介  
字元術故江陽守長南鄭楊銀字伯慎處本南鄭祝  
龜字元靈司徒掾南鄭祝楊字孔達處本南鄭祝佺  
字子舉故益州從事南鄭祝忱字子文處本南鄭祝  
恒字仲舉處本南鄭祝朗字德靈處本南鄭祝崇字  
季舉大守史南鄭祝榮字文舉大守史南鄭趙英字  
彦才處本南鄭劉通字海關故襄中守尉南鄭趙忠

字元楚

闕二

南鄭楊鳳字孔鸞

右仙人唐君碑篆額漢中太守郭芝立今在興元唐君字公房王莽時人也博物志云城固縣壻鄉有唐公昉得道雞犬皆升仙惟以鼠有惡不得去鼠自悔每月一吐其腸胃更生謂之唐鼠摠仙錄所引博物志又云鼠至空中自墮腸出一月三易故山中有拖腸鼠水經云智水川有唐公房祠公房入雲臺山合丹服之白日升天雞鳴天上狗吠雲中以鼠惡留之鼠乃感激以月晦日吐腸胃更

生公房升仙之日壻行未遠不獲同階雲路約以

此川爲居言無繁霜蛟虎之患其俗因號爲壻鄉

二說唯鼠事小異神仙錄則云神仙李八百爲公

房家傭僞作惡瘡使公房夫婦及三婢舐之又索

美酒三十斛浣瘡因以餘酒浴公房夫婦顏色更

少授以丹經一卷公房入雲臺山作藥藥成服之

仙去其說俱異唯鍊丹雲臺與水經同爾後漢志

云襄中有唐公防祠蓋隸法房字其戶在側故人

多不曉或作防或作昉皆誤也

昉即莽字聶即壻字昉即鼠字孿即

戀字

### 張公神碑

惟和平元年正月

闕二

朝歌長鄭彬造

闕張公建

闕

良

闕之山運置碁陽刊齷涿摩立左右闕表神道

闕

豎碑廟堂之前到五月

闕二

乃成長

闕二

之銘勒神

懿光祕後昆其辭曰

於穆張公舍和泰清受符皇極乾剴川靈何天之休

元享利自無

闕二

貴神耀洞

闕二

度

闕

泉段商北洞

獄朝碁陽厥土敞平芝草茂木瀟瀟滋榮羣萌勳炎

激川通

闕三

懷

闕八

廟克儉捐益詔命有司祭以中

牲歲聿再慶公其饗零興來億載靡數萬君

闕七

太

闕二

顯猶昭拂英勳

闕

錫介福惠此吏民國無灾寢

屢獲豐年

皇帝眉壽于祿于天牧守皆升握台輔辰長與丞尉

超遷相回休

闕

烈烈無

闕三

臨犁陽營謁者李君

畏敬公靈好鄭長文徹奉佐工悃愍勤

闕

吏

闕三

喜且惶作歌九章達李君

闕

頌公德芳其辭曰

碁

水湯湯揚清波東䟽

闕

折

闕

于河

闕五

朝歌縣以絜



靜無穢瑕公闕守相駕蜚魚往來悠忽遂嘉娛祐此

地民寧厥居闕出自棊闕四松栢鬱茂蘭公闕二神

往來乘浮雲種德收福惠斯民家饒戶富無闕貧豐

界家靜和睦闕朝歌蕩陰及犁陽三女所處各殊

方三門晷列推其鄉時攜甥舅歸候公夫人闕二容

闕五饗闕觴穆風屑兮起壇旁樂吏民兮亦未央

庶嘖嘖兮闕二庭文樂樂兮闕三飲清泉兮闕三見

闕伏兮不駭驚惟公德兮之所寧上陵廟兮助三牲

天時和兮甘露冷日晡闕兮無虧傾闕二蜚兮朱

鳥樓闕二榮兮鳴喑喑戴鵠勦兮乳徘徊給御卯兮

戲于西惟公德兮之所懷池水闕兮釣臺粲四角

樓兮臨深澗魚岌岌兮踊躍見振鱗尾兮游肝肝時

釣取兮給烹鼈惟公德兮之所衍粟蕭竹兮槩鋪

陳新美萌兮香苾芬蕙單生兮蒲園田競苔茗兮給

萬錢惟公德兮之所闕門堂鬱兮文燿光公神赫

兮坐東方明暴視兮儼叩叩夫人闕女兮列在旁陳

君處北兮從官闕車騎駱驛兮交錯重乘輓輅兮駕

蜚龍驂白鹿兮從仙僊游北嶽兮與天通玄碑既

立雙闕建兮

闕四字

大路畔兮亭長閣

闕字

扞難兮列

種槐梓方茂爛兮天下遠近

闕

不見兮公神日著聲

洞瀉兮

闕二字

乾川傳億萬兮

臨黎陽營謁者豫章南昌李朝伯丞左馮翊夏陽趙

寵德雅朝歌長穎川陽城鄭栢伯林左尉京地

下闕

水

闕二字

陽里郭虞子

下闕

扶風安陵

闕二字

邵公處士

魏郡

闕

封

闕

仲舉處士魏郡犁陽

闕四字

右張公神碑隸額在黎陽威宗和平元年立碑云

朝歌長鄭栢為張公建闕作碑銘勒神懿監黎陽

營謁者李君好鄭之文既徹俸佐工又作歌九章

刻之石皴剥不明僅能辨其梗槩其辭依放離騷

頗亦道雅可觀詩中再稱其夫人又云朝歌蕩陰

及黎陽三女所處各殊方三門鼎列推其鄉時攜

甥幼歸候公不知張公是何神也漢志注云世祖

以幽并州兵騎定天下故於黎陽立營以謁者監

之

碑以綦為淇涿摩為琢磨勦為巢僅為僮瀹為偏盈即盈字蔑即薦字家即宗字以水之字皆

作篆文

### 三公山碑

封龍君 靈山君

上闕分氣建立乾川乾為物父川為物母運生六子

二字闕為闕巨土為山闕風雨天有九部地有八極

天地通闕神明別序州有九凶闕成土北闕之凶

闕升闕阻上為祈首舍闕陰寶南彌三公厥體高厚

峻極于夫鼎足帝闕二郡宗祀闕奉闕公嘉佑闕

為形北觸石闕雲不崇而雨陰闕氛廓莫不闕德

配五岳王公所緒四時珪璧月醮酒脯闕公降靈闕

得志列闕羣后或在王庭輔翼聖主颺雨時降和

其寒暑年豐歲稔今我稷黍倉府既盈以穀士女

字得進陳其鼎俎黃龍白虎伏在山所禽獸闕二億

兩為耦草木暘茂巨伾不毀下民知禁順時而取皆

受德化非性能者願明公垂恩罔極保我國君羣黎

百姓闕受元息光和四季歲在辛酉四月闕天翔二

日甲子元氏左尉上郡白土樊璉字子義璉闕要闕

字陵側陋出從幽谷遷于喬木得在中州尸素食祿

以弱闕歸于闕族闕明闕謹闕以闕足觀聽闕二

道無拾遺消扞闕難路無怨譴得應廉選貢名王室

靈祇福祚施出闕冊於是感恩闕立銘勒石乃作

頌曰

儼儼明公民所瞻兮凶闕窮窳石巖巖兮高倉闕二

候羣神兮興雲致雨除民患兮長吏肅恭闕心兮

四時奉祀柔稷闕兮闕用闕五闕兮百姓家給國富殷

兮仁愛下下民附親兮遐邇携負來若雲兮或有薪

采投輻檀兮或有闕鬼阻出闕兮或有闕耘兮或

有隱遁辟語言兮或有恬淡養皓然兮或有呼吸求

長存兮跂行喙息皆闕思兮闕佑樊肆出谷遷兮

侯食邑傳子孫兮刻石紀德示後昆兮永永不闕億

載年兮

舉將南陽冠軍君姓馮諱巡字季祖闕脩六經之要

析闕三闕出歷受命北征為民父母攘去寇殪闕用无

姦闕越竟民移俗改恭肅神祇敬而不怠皇靈闕

佑風雨時節農闕執耜或耘或耔童妾壺饁敬而賓

之稼穡穰穰穀至闕錢對粟如火咸裒仁心君妾前

詰喬札季文雋闕稂秀不為苛煩愍俗陵遲闕咨

闕山無隱士藪無逸民裒道以德慕此闕百姓歐

歌得我惠君功參周邵受祿于天長履景福子子孫

關長史甘陵甘陵夏方字伯陽今京地新豐王翊字

元輔丞河關武李關字公興石陟劉元存

右三公之碑隸額兩旁又有封龍君靈山君六隸

字頗大郡國志常山國元氏注云有石塞三公塞

所謂三公塞即此山也石塞即白石山也白石碑

云縣界有六名山三公封龍靈山先得法食無極

山碑載光和詔書出元氏縣錢給三公山四時祠

又云三公山與龍靈山無極山共興雲雨蓋封

龍與靈山是兩山之名揭其神於額之旁者即是

配食三公之祠故碑中有鼎足之文也頌云儼儼

明公民所瞻兮碑云願明公垂恩罔極保我國君

蓋以明公稱山之神而謂國相為國君也此碑光

和四年左尉樊子義立頌末有樊君徼福之句而

讚美舉將馮巡幾二百言馮君乃常山相也頃者

先公太師以使事為北方所留紹興癸亥年政地

王次翁使至燕先公鬲垣墻與驛中人語為覘

者所得賴副留守高吉祥之力脫縲繼而歸予之  
出疆也高之子嗣先相廷勞以先世之故並轡殊  
從容嘗諉其訪尋中原古刻云北人所不好市無  
粥碑者及道過真定顧瞻名山三嘆而已

為黎叔為菽秀為莠遲為遲歐為謳鼎即鼎字柔  
即黍字廵即凶字芋即籽字壺即壺字裏即懷字

### 無極山碑

光和四年闕月辛卯朔廿二日壬子大常臣耽承敎

頓首上

尚書謹案文書男子常山蓋高上黨范遷詣闕三為

元氏三公神闕二本初元年二月癸酉光和二率二

月戊子詔書出其縣錢給四首祠具去年五月常山

相巡遣吏王勳闕弘衷詣三公山請兩山神即使

高傳言令勳衰歸闕兩可得三公山即與龍靈山無

極山共興雲交兩國相巡元氏令王翊各白羊塞神

山復使高與遷及縣吏和下令俱詣太常為無極山

神崇瀆食比三公山臣疑高遷言不實輒移本國闕

震今常山相書言部督郵書掾成熹舉訊實問熹縣

令翊各言無極山與无陞俱生朐上至體可三里所

立石為體二丈五尺所政南闕上闕青下黃白色前  
 政平可布兩大席山周帀廿餘左西南世里縣界有  
 名山其三公對龍靈山皆得灑食每長吏祈福吏民  
 禱告如言有驗乞合無極山比三公對龍靈山祠闕  
 七牲出用王家錢小費蒙大福尊神呂珪璧為信臣  
 愚臣為如巡言為民來福臣祠祀為本請少府給珪  
 璧本市祠具如癸酉戊子詔書故事報臣眈愚顛頓  
 首頓首上

制白可

大尚承書加事

上闕月十七日丁丑尚書令忠奏雒陽宮

光和平年八月辛酉朔十七日丁丑尚書令忠下

光和平年八月辛酉朔十七日丁丑大常耽丞敎下

常山相闕朋事下承闕用者如詔書書到言

昔在禮英國有名山能昇材用與雲出雨為民來福

除央則祀元氏縣有先昔三公對龍靈山已得法食

而獨未光和平年二月丙子大男蓋高上黨范遷奏

記大常大常下郡國相南陽馮府君咨之前志闕問  
者僂僂為寔神且明母國縣水旱及民疾病禱祈  
輒應肯有報又有終南之敦物與岱崇之枯及揚越  
之椀闕條蕩焉材用於是乎出官民於是乎給左禮  
秩祀有功必報今肯無極山應灋食誠其宜耳於是  
言大常奏可其丰八月丁丑詔書聽其九月更造神  
廟恢拓祠宮置吏犧牲刎制月醮肯祠禮與三山同  
乃立碑銘德頌山之神焉其詳白

巖巖無極厥體魏魏闕嵩闕萬常闕灋闕二梯浚谷千刃

窈窕凸隈林林蕊毒倉氣蔚伊闕砥砥礙隗闕諧闕崖

遙望儼然即就有威觸石膚寸興雲祁祁雨我公田

遂及我私百穀用成家有其資禱穰請祈應速不遲

鳥獸艸木蕃茂隆闕四猥神為之哀欽案禮典咨古

遺則功加亏民官報其德今侑七牲珪璧法食改館

興廟恢拓宇室增益吏役恭君下職月醮肯祀肅植

齊壺闕必博碩酒必嘉粢粢盛馨香如禮不失額君

歆享降福闕官民禱祈闕密勿有旨穰解報應

可必闕二灋食將祐我君我君高闕泉多子孫君其



遺慶副稱額云

常山相南陽副軍馮巡字季祖長史穎川闕申屠闕

字闕二 元氏令京地新豐王翊字元輔丞河内闕五

左尉上郡白土闕二 字闕二 祠祀掾闕賢廉香闕掾

和闕五 祠仁德掾樊泚史吳宜小吏吳黑

光闕二 和四手十月十三日闕二 石陟闕二 造

右無極山碑篆額在真定此山與三公山封龍山

靈山白石山皆在元氏男子蓋高范遷援三公龍

靈有請於太常乞官給珪璧四時祠具詔從之吏

民更造廟宇而立此碑靈帝光和四年也蔡質漢

宮典儀曰司隸城門校尉上尚書言頓首上下言

誠皇恐頓首上謁者上尚書頓首死罪上下言誠

皇恐頓首死罪上今所有者史晨樊毅兩碑皆用

謁者式與蔡說合惟此碑其後但再稱頓首又太

常稱臣而丞不稱莫詳其制碑云有終南之敦物

岱宗之松楊越之篠簜蓋以敦物為終南所產與

松篠同科今經史多作惇物注云山之名也頽之

推謂詩之有滄萋萋興雲祁祁當是興兩趙氏据

此碑云漢以前本皆作興雲因顏氏改之予按左  
雄傳已作興兩祁祁則漢代言詩者自不同由唐  
以來定本始以興兩為正非因顏氏也

碑以塞為  
賽央為殃

條為篠刃為切番茂為蕃茂灑即灑字霰即霰字  
无陞即天地字册即從字懇即懇字拓即拓字掩  
即掩字叟即叟字左  
傳趙叟傳叟是也

### 白石神君碑

盖聞經國序民莫急於禮禮有五經莫重於祭祭有  
二義或祈或報報以章德祈以弭害古先哲王類帝  
禋宗望于山川徧于羣神建立地域脩設壇屏所以

昭孝息民輯寧上下也白石神君居九山之數叅三  
條之壹兼將軍之號秉斧鉞之威體連封龍氣通北  
嶽幽讚天地長育萬物觸石而出膚寸而合不終朝  
日而澍雨沾洽前後國縣屢有祈請指日刺期應時  
有驗猶自抱損不求禮秩縣界有六名山三公封龍  
靈山先得法食去光緒四年三公守民蓋高等始為  
無極山詣大常求法食相縣以白石神君道德灼然  
乃具載本末上尚書求依無極為比即見聽許於是  
遂開拓舊地改立殿堂營宇既安禮秩有常縣出經

用備其犧牲奉其珪璧絜其粢盛旨酒欣欣燔炙芬  
 芬敬恭明祀降福孔殷故天無伏陰地無蠱陽水無  
 沉氣火無災燂時無淫穀物無害生用能光遠宣朗  
 顯融昭明年穀歲熟百姓豐盈粟升五錢國界安寧  
 尔乃陟景山登崢嶸采玄石勒功名其辭曰

巖巖白石峻極大清皓皓素質因體為名惟山降神  
 毘士挺生濟濟俊乂朝野充盈灾害不起五穀熟成  
 乃依無極聖朝見聽遂興靈宮于山之陽營宇之制  
 是度是量卜云其吉終然允滅匪奢匪儉率由舊章

聖敷清閑肅雍顯相立圖靈像穆穆皇皇四時  
 不愆不忘擇其令辰進其馨香犧牲玉帛黍稷稻糧  
 神降嘉祉萬壽無疆子子孫孫永永蕃昌

光和六年常山相南陽馮巡字季祖長史潁川申屠

能闕三元氏令京地新豐王翊字元輔丞河南李邵

左尉上郡白土樊璋祠祀掾吳且史解徹石師王明

右白石神君碑篆額在真定靈帝光和六年立前

二年蓋高等援三公封龍靈山請于朝為無極山

得法食至是常山相馮巡元氏令王翊復具白石

本末求依無極爲比朝廷聽許遂開拓殿宇琢石  
勒碑其文有云居九山之數參三條之一趙氏莫  
曉三條爲何語按尚書正義曰從導岍至敷淺原  
舊說以爲三條地里志云禹貢北條之荆山則在  
馮翊懷德縣南條之荆山則在南郡臨沮縣是舊  
有三條之說也故馬融王肅皆以導岍爲北條西  
傾爲中條嶓冢爲南條自岷山之南至敷淺原別  
以岷山爲首不與大別相接則岷非三條也穀阮  
碑云中條之山者蓋華嶽之體南通商雒以屬熊

耳其文與正義合漢人分隸固有不工者或拙或  
怪皆有古意此碑雖布置整齊略無纖毫漢字氣  
骨全與魏晉間碑相若雖有光和紀年或後人用  
舊文再刻者爾

碑以番昌爲番  
昌拓即拓字



Faint, illegible text impressions, likely bleed-through from the reverse side of the page, visible within a rectangular border.

